

聖佛母小字般若波羅蜜多經

宋中丞意林撰釋迦牟尼佛本行經

如是我聞一時世尊在王舍城鷲峯山中與大比丘衆千二百五十人俱并諸百千俱胝那庾多菩薩復有百千俱胝那庾多梵王帝釋護世諸天衆等恭敬圍遶爾時世尊於吉祥寶藏師子座上結跏趺坐是時聖觀自在菩薩摩訶薩即從座起偏袒右肩右膝著地瞻仰尊顏目不暫捨合掌恭敬歡喜踊躍頭面禮足而白佛言世尊惟願世尊爲我說是小字般若波羅蜜多經令諸衆生得聞是法獲大福德一切業障決定消除當來速獲無上菩提若有衆生發至誠心受持讀誦此真言者隨所求願決定成就無諸魔難爾時世尊告聖觀自在菩薩摩訶薩善哉善說是言

善哉善哉善男子汝能如是至心爲諸衆生令得安樂長壽善男子汝應諦聽至心聽我說是小字般若波羅蜜多經若諸衆生聞說是法獲大福德一切業障皆悉消除決定速證無上正等菩提若有衆生發心受持此真言者無諸魔事皆得成就是時聖觀自在菩薩摩訶薩復白佛言世尊善逝今說爲諸衆生令得安樂爾時世尊而於一時入三摩地名解脫一切衆生從定起已眉間毫相放百千俱胝那庾多光明此大光明普照一切諸佛刹土所有無量衆生蒙光照曜皆得決定速證阿耨多羅三藐三菩提所有地獄一切衆生皆獲安樂諸佛刹土六種震動於諸佛上又雨上妙栴檀沉水細末之香以用供養爾時世尊說此般若波羅蜜多經是時所有

一切菩薩摩訶薩各各發起平等之心發起
慈愍心發起憶念利他心發起遠離一切罪
障心發起種種利益之心發起般若波羅蜜
多心是時世尊告聖觀自在菩薩摩訶薩汝
等諦聽我今爲汝說是聖佛母小字般若波
羅蜜多真言曰

曩莫一舍引吉也二合母曩曳引怛他誑誑
哆引野唎唎喝合帝五引三麼藥六二合訖三合
沒馱引野七怛你也合二他八引母顙引母顙
摩賀引母曩曳十引娑嚩引二合賀引十

佛告聖觀自在菩薩摩訶薩言此聖佛母小
字般若波羅蜜多真言一切諸佛由是得阿
耨多羅三藐三菩提我亦由是小字般若波
羅蜜多真言故得成無上正等菩提往昔有
佛亦名釋迦牟尼如來於彼佛所聞說是法

彼佛說言如是三世一切諸佛由斯法故方
得成佛佛復告聖觀自在菩薩摩訶薩言我
今爲汝授其記別汝於人間未來世中得成
佛道號普放光明吉祥寶峯王如來應正等
覺汝得聽聞如是妙法應當受持讀誦若自
書寫若教人書思惟解了復能爲他一切衆
生廣說其義令彼書寫是經於已舍宅受持
讀誦於未來世速成無上正等菩提是時一
切如來同證汝等我今爲汝復說般若波羅
蜜多陀羅尼曰

怛你也合二他引唵引惹野惹野二鉢
訖麼引二合避引三遏嚩無可銘四引薩囉來假切
薩哩尼同五尾哩尾哩六尾囉引尾哩七
企哩企哩八你嚩多去弩鼻音播引擺拏寧
切沒度引哆囉拏一十布囉拏二十布囉野三十

婆去誡縛切未帝十四薩唎縛二合唎五引十麼

麼此處稱布囉野七十薩唎縛二合唎二合囉二合

難上左薩唎縛二合唎二合囉二合囉二合囉二合

引結尾二戌引馱野尾二戌引馱野尾二戌引馱野

馱引地瑟姪二合顛引顛引顛引顛引顛引顛引顛引顛引

賀十四

佛告聖觀自在菩薩摩訶薩此勝妙法般若

波羅蜜多陀羅尼是能出生一切諸佛菩薩

之母若有衆生暫聞是法所作罪障悉皆消

滅此法一切諸佛及衆菩薩經百俱胝劫說

其功德不能得盡若能受持讀誦此陀羅尼

者便同入一切曼拏羅中得受灌頂又如受

持一切真言皆獲成就是時聖觀自在菩薩

而白佛言世尊何故復說此般若波羅蜜多

陀羅尼世尊告言我爲愍念一切少善方便

懈怠衆生是故說此般若波羅蜜多陀羅尼

令彼受持讀誦若自書寫若教他書此等一

切衆生速疾證得無上菩提如是如是世尊

善說是般若波羅蜜多陀羅尼是時聖觀自

在菩薩摩訶薩復白佛言世尊此法實未曾

有世尊此法實未曾有善逝世尊大慈爲欲

救度一切少善方便懈怠衆生令得利益安

樂說斯妙法是時世尊說此經已諸大聲聞

并諸菩薩摩訶薩一切世間天人阿蘇囉彥

達等聞佛所說皆大歡喜信受奉行作禮

而退

聖佛母小字般若波羅蜜多經